

漢八家詩選

李根源

題



趙樾邨詩選

卷五

趙樾村詩選卷五

昆明王燦惕山輯

大理董萬川澄農印

趙藩字樾村一字緩仙晚號石禪雲南劍川人光緒乙亥舉人
官四川按察使著有向湖村舍詩文集小鷗波館詞鈔先生於
詩極深研幾意興所至伸紙吮豪立即成詠自同治甲子起迄
民國丁卯止存詩七十餘卷不下萬數千首視放翁尤過之各
體兼長七律尤鍛鍊入神朱小園稱其詩氣體高華骨韻生峭
筆力蒼勁法度謹嚴吳楚生序謂其危苦伊鬱語無不嵒嶸婉
恹陳虛齋序稱不名一家不拘一格變幻離奇不可測度
讀潛溪乞人行書後二首

少陵廈千間白傅裘萬丈古人胞與懷觸物歌慨慷吾子哀乞人
語酸情亦愴博濟堯舜病王政有教養有司失其職安怪此輩廣
爲治豈空言斯民或我長設施夫何如易地一遐想

廉恥一已喪習俗日漸偷疲癯固可矜豈無耽情遊筋力坐自棄
甘受嘖蹴羞顏風暗濡染巧中冠蓋儔白日炫戚里昏暮干王侯
利達亦有方昵就齊人謀餓死獨蒙袂咄哉一黔婁

雜詩五首

人言書分二首

和風煦萬物震雷聞百里陽氣盛鼓盪焦蘇蟄者起穆穆存生機
亭毒沍寒裏可憐烘開花朝榮夕已萎空山偃木榻默臥觀化理
巍巍經世功甯靜立其體
古人告我久古訓書則留太上語德功其次爲歌謳披豁性天見
縝密條理周三復移人情惠風吹油油掩卷夢寐接曠代從之遊
下士蒼蠅聲聚處繁呶囁閉門親一篇安知公所求
惟聖待人恕責薄躬自厚嗟我好盡言良友或虛受豈無觸所忌
睚眦伏杯酒悻直實傷激我亦叢過藪金人懷三緘致窮悲
作詩戒來茲永爲挈瓶守

貪夫擁厚貲忘身徇所欲濟困一錢靳犬馬厭梁肉五金本公器
利賴資轉轂造化力止此山川不能黷奈何封殖心多藏昧知足
象齒乃焚身禍福相倚伏危哉石季倫一敗赤其族

少年矜意氣不學而自負趙括好談兵灌夫輕使酒跳宕文字場
妄謂八叉手豈惟儕輩讐亦櫻神鬼咎行潦無根源何者爲不朽
歧途惕然悟齋心滌塵垢一洗鞞悅詞敢掉雌黃口昨非悔已遲
及弱免濡首

五月雨後偕同年吳祠其倪旭初孝廉趙潛谿張鶴君遊西
山信宿而歸紀之以詩凡九首

山居輕出山我思役魂夢神皋近可挹遊興逸難輕雨洗暑氛淨
野絕市聲闕襟前嵐翠積車後涼風送眼明區淀沈響雜動茭葑
金鋪黯遺構灰刳炙餘痛樓船修飈突躬閱匪鑿空千艘海可橫
四裔天終控莫觀廣陵濤但眩吳兒弄罪言惕出位獻賦今安用

去去莽寥廓醢雞破酸甕

經南定
昆明湖

佛法不思議五指森須彌古佛我不見見今佛所爲摩霄峙五塔

拓掌同一基剔抉奸穢魄震動天人威登之賈餘勇四面罡風吹

扶輪弄曦月引帶牽虹霓直瞰東瀛東海舶一粟微楚狂有高咏

卓筆天爲低

刻其登塔爲
長歌刺佳

塵眼世自隘大器時難遺念彼金剛力願子

措皇畿

登碧雲寺金
剛寶座塔

伊蒲客飯甘鐘魚僧課早宴坐杜德機意行極幽討溪迴泉咽悲

林罅月來悄聞根定虛籟秋心滿孤抱等爲膏火煎坐先天地老

世緣何出入物化劇悖悼暫息塵勞軀石林雲不掃

晚宿碧
雲寺

我眠未安席佛臥此終古華胥信有國混沌甯傳譜廿年久行脚

戰跼不知苦空門四威儀三舍思一取無心鉤睡蛇况用掣啞虎

禪林聊偃息茗甌翻雪乳莫笑津梁疲娑羅亦無語

普覺寺瞻
臥佛像

風雨颯然至塔鈴語郎當硌硌卸車轡歸然瞻靈光老藤緣蔽屋

新荷紅滿塘茅庵誰所留締構山南岡

寺中別有庵曰韶光前
尚書完顏崇厚所建

內史昔嘗慕

忍割千里隘別營半畝藏遊人話曩事得勿輟彌彰感茲坐太息

折衝容有方君勿笑毛遂此士今亦亡

雨宿靈
光寺

盤盤隱招提寺寺敞亭館彪彪寺廡騎信信寺門大入林見魑魅

披荔帶婉孌僧涎布地金佛閉彌天眼清淨理則那腥羶臭難浣

去之不復顧慨焉歎微管村醪近可沽澆愁一引滿

三山庵龍泉寺香界寺皆
英吉利人舊居遊者難久

留也

萬鳥暝清曉幽夢遽然醒蠟我上山屐隔澗山彌青盧師習靜處

嚴扉常不扃松風墮寒翠霜草淒微馨僧雖進茗飲雲液何清冷

不見二龍子一勺淵泉停雷雨坐可致盍洗南峯腥檢書愛深榭

眺遠宜空亭惜哉不能住人海飄孤萍

靈光寺曉起越北潤
至盧師山証果寺

松坡篇寄族人

松坡以松名兵後蕩無餘先壟坡一支廿載培松雛眼看長於人

鬱鬱復百株買山處士公卜兆自公初子孫遞祔葬松下墳宰如
側聞長老述公貌恭而腴力田敦孝弟禮義爲菑畚刺史舉農正
冠帶親式閭朝廷八品服賓祭先公軀是時環境中歲美無逋租
大耋公考終吊唁人塞塗流澤二百年稼穡而詩書士者勤職業
農者安田廬無猾無奇衰無醜無嚮蒲蔚爲一家法實秉公之模
清明二三月草芳春露濡鄉俗重墓祭拜埽長幼俱胖蠻如在誠
致敬非魚蔬緣坡流寒泉泉上叢蕙敷飲泉思其源曲折來何迂
嗚乎述祖德孰謂視此殊培壅根固迺正直神持扶不見坡上松
竭來分苑枯松蓋童童青松實纍纍珠天風聲滿空曉夜吟笙竽

題湧泉修禊圖

王丹臣太守
鳳池所繪

廿年撫流光兩值三月閏故山觴詠地晝裏宛可認默坐念聚散
亦是一時傷逝者土親膚存者霜點鬢頗憐廣文甄強於太守印
鉛刀我試割踣躡斂銳刃渺然白雲心飛越萬峯峻內史昔誓墓

楔序蓄隱疾興懷將無同俛仰付一瞬

題南園侍御守株圖

樹根科頭坐謂是山澤癯誰知錢夫子始入承明廬是時權貴門
後進爭奔趨耿獨守介節但曰吾守株偶吐肝膈語綴之徑尺圖
後來三十年遭際通塞殊皎然古遺直此義死不渝舉世知慕公
詞翰珍璠瑜身心昧師法毋乃譏還珠翠海拜公祠還復瞻眉須
神州正倣擾車駕還西都假手無斧柯淚眼日已枯斟酌爲守間
坦指幽人途離離泉咽石策策鳳鳴梧日暮仍掩關三復公遺書

閱世

金華牧羊兒劍湖釣魚叟羊亡路多歧魚爛星在罽閱世六十年
及時一樽酒營營雞鷺食僕僕牛馬走廩空卒歲儲籬破四夷守
伏莽無地無諱帚有時有稚狂胥及溺予聖孰啓牖伊川歎爲戎
宣父思速朽忍去父母邦亭臯幾回首

盤龍山中雜詩八首

錄五

林壑斂暝色微風戛叢

僻掩關僧課完殿庭肅以悄

小雨止復作

爐殘煙細裊不自城中來安識山居好詩癯瘦於山山意知寒早

兀兀坐如忘茲焉思送老

信步松下行松陰隨步轉屐齒惜古苔心夷步自緩霜花寒不落

意似遊人款乍晴曦影薄泥淖迷深淺略約跨幽澗朽滑澌三板

悵然迴我襟微吟下修坂

兩寺百步外風傳鐘磬音間之以叢木窈如深谷深曳杖每獨往

嵐翠霏衣襟往往踏落葉驚起幽棲禽白雲四散飛飛不離欽岑

寓目適然爾雲我同無心

日曰吾手林間

日已沒西峯月未上東嶺虛寮敞雪壁團趺對燈影了無雜念生

愛此良夜永安知火宅中一見化人境生滅只須臾難言自心領

劬書今廢書返照慧燈炳

四更山吐月際海曠昭朗似與不眠人迴光助研賞冰雪沁清心
何地著凡想中原戰龍血咄咄吳與蔣是非論有定屠割禍已慘
常儀應惻然乞與清涼散

楚雄郡齋夜坐偶成寄小鷗波館

月明滿地霜華冷衙鼓無聲街拆靜打門落葉風蕭蕭插屋疎星
天耿耿寒梅東閣暗吹香枯樹南窗倏移影客居無計遣良宵故
園頗憶同清景阿弟書齋共翦燈山妻紙閣萬煎茗一星芋火撥
銅鑪滿耳松風喧石鼎看書有味更開函覓句未成還倚枕談深
渾耐五更寒夢回已隔千山迴白頭肯負歲寒盟紅燭常虛夜遊
秉宦味何爭首宿盤歸心已落簾葭艇精廬學道結團蒲漁舍忘
機借筇著題詩先寄小鷗波早晚湖山待偕隱

曉行篇

村雞膺膊催晨興嚴霜冪野風威棱出門絡繹東南朋或負或戴

或檐簷輿者脰縮魚在罾騎者尻兀寒凌兢馬行不准麾以肱幽
澗曲折緣田塍木葉脫盡溪水凝笙鏞酣涕松鬣髻迴溪忽斷危
橋承一峯壁立森峻嶒石磴百級梯以登疲如磨蟻蹻飢鷹翔鳥
一躍先人昇日氣下爍霜氣蒸散爲冷霧霏層層人馬斷續出沒
仍後者呼嘯前者騰絕頂懸巢誰結樅浮圖聳出飛閣矜瞿曇作
糜方斧冰叩關乞火燒枯藤一甌雪乳松花澄回頭下瞰朱闌凭
此境入畫畫未曾安得妙手煩吳僧硬語作跋吾猶能

刊其同年自湘中寄見懷七絕十四首賦此奉答

鸚鵡洲草青浮煙火雲六月紅燒天單舸載子溯湘水萬山送我
歸南滇歸來岑寂歲云暮中夜不眠惟子故夢慳一晤晤亦暫落
葉打窗忽驚寤北風吹到瑤華書上手徑寸驪龍珠三百九十有
二顆夜光奪月輝堂隅千金報子亦何有讀書學道盟心久鬢影
彈琴對瘦妻咳華潔膳依慈母少年獨抱治安策鄉里私之那可

得會當直排金馬門不應便忘銅駝陌翳余仕隱百無成寒飈冷
研飢腸鳴誰家待此覆瓿物媿子丹墨矜題評披沙難覓雙南寶
災木真妨人絕倒平生志事未易期便悔雕蟲嗟已老王郎手版
趨黔竹豹書復道朱生泣莼蓼經田生才困頓天有例任運無勞詹尹
卜烏噓江海狂瀾多快劍莫研生蛟鼉雕菰之飯倘可辦子請擊
筑吾當歌

錢南園通副臨趙文敏八駿圖次錢集相馬篇韵

穆王八駿誰見之畫師所畫皆凡馬此圖八匹怪殊絕素縑三尺
開平野風沙蹴踏暮煙中尾鬣騰軒枯樹下諦觀款識未磨滅南
圓翁仿鷗波者毫端生氣破空出骨肉停勻工取捨莫矜曹瘦較
韓肥精神不王瘦亦非吁嗟乎安得此馬重生日行三萬里沙場
與我同生死

贈朱筱園庭珍卽書其穆清堂詩稿後

茫茫百感來無端涕笑直寫心悲歡平生志事不一試名以詩人
心骨酸攢眉仰屋讀書史侏儒飽死朔饑死雕鑪造化鉤物情怪
底不疲胡樂此可憐同病朱公子

殺賊未攫通侯印一第區區天亦悒西風長簟竟牀空苦吟日夜
凋青鬢遇故日窮詩故進笙簫滿堂燈光月光當歌對酒猶能狂卿
愁欲訴我愁劇歡場暗淚同沾裳

潘公祠隅屋半間古柏嘯雨如深山閉門兀坐輯文獻瓦燈青照
丹鉛斑叢殘譌舛須畫一傳後信今斯可必闡揚潛德誅奸諛慎
爾褒譏銖黍溢鬼神靜夜伺點筆

壁壘森嚴徐按轡霸上棘門只兒戲決機臨陣變化生一將喑鳴
萬人廢兵家詩家等此意談詩不若還談兵朱波貉越藩籬傾陰
符簡練出奇策雄劍一奮屠長鯨

贈李厚庵坤卽書其詩稿後

黑龍潭上尋古梅潭水澄碧梅初開把君行卷花下讀孤鶴不去
銀蟾陪根抵先澤地培壅萌芽詩事春胚胎花香詩味沁肺腑興
劇酹以黃金杯不煙火食飲沆瀣醉倒便臥梅根苔花神導我羣
玉圃玉樓天半高崔嵬樓中清絕無纖埃作記之人安在哉帝憐
塵壒久寂寞遊戲復遣人間來醒思得勿此子是瘦眉長爪仙半
裁奚奴躡屐負古錦璀璨富有千瓊瑰六丁雷電取不去助發光
燄凌斗台昌黎老子張頤頰辯諱苦爲王孫哀君今秋賦亦三蹶
寸光鼠目能無猜正如梅花勝格韵下視桃李宜輿臺昆池黑刳
沈寒灰大雅不作羣言極得君數輩庶有豸冰雪力挽陽和回經
郭史郭何恢恢出爲餘事斯奇核卽看扛筆壓寶鼎安見濟海遺
高梳布衣七尺藏蒿萊名花豈異窮邊栽鐵心石腸自珍惜談何
容易天生才吁嗟乎談何容易天生才

蔭亭有雙葫蘆屬題戲爲俳體一章

潘君示我雙葫蘆依樣非樣形微殊柄口腰項附爲一膨脝腹判
雙垂珠異哉果蘇亦有此嘉木連理花駢跗我聞昔有壺公壺賣
藥出入壺中居是物當時倘公屬別宅大好棲其奴潘君雅擅詩
畫書避債無地長嗟吁何不移家竟分住謬臺高築遮門閭左招
孟堅話劉項右拉無忌傾醍醐是中瀟悶無甲子夜寐栩栩醒蘧
蘧一官苦壓百僚底樂郊不適胡爲乎潘君欲語還軒渠子真妄
矣吾甯迂須彌一粒納芥子桶中二叟爭周佞厲言十九姑妄聽
子能從我相嬉娛我語潘君無不可傭春廡下原良圖僕也請前
子姑待迎門擁簪先掃除潘君忽慮賓奪主急起匿之不躊躇我
乃大笑潘君愚開門之揖非吾徒亡則不徙忌客徙怪爾徒羨臨
淵魚許瓢挂樹適滋累况寶詭物同懷瑜藏舟於壑大力負半夜
那免防維疎潘君口噤顏轉舒此狡獪者妨吾狙曷醉以酒無膠
拘乎童出門亟行沽否則葫蘆打破逃空虛